

四庫全書

史部

欽定四庫全書

史部

資治通鑑卷二百十七

詳校官修撰臣錢 蔡

洗馬臣王坦修覆勘

總校官知縣臣楊懋珩

校對官中書臣嵇承志

謄錄監生臣華光楣

欽定四庫全書

資治通鑑卷三百十七

宋司馬光撰

胡三省音註

唐紀三十三

起開元初至肅宗乾元元年
凡四年有奇

玄宗至道大聖大明孝皇帝下之下

十三載

唐書天寶
子安

春正月己亥安祿山入朝

朝直
遥翻

考異曰唐宗寶錄十二載楊國忠屢言祿山潛圖悖
逆五月玄宗使輔學琳伺之祿山厚賂璆琳盛言祿山
忠於國國忠又言祿山自此不復見矣玄宗手詔追祿
山祿山來朝傳傳亦同按玄宗宗寶錄并祿山事迹遣璆

琳送甘子于范陽覘祿山反狀在十四載五月是時楊而肅宗實錄及舊傳云十二載誤也今從唐曆

國忠言祿山必反且曰陛下試召之必不來上使召之

祿山聞命即至庚子見上於華清宮

見賢通翻

泣曰臣本胡

人陛下寵擢至此為國忠所疾臣死無日矣上憐之賞

賜巨萬由是益親信祿山國忠之言不能入矣太子亦

知祿山必反言於上上不聽甲辰太清宮奏學士李

琪

此崇玄館學士也

見玄元皇帝乘紫雲告以國祚延昌唐

初詔勅皆中書門下官有文者為之乾封以後始召文

士元萬頃范履冰等草諸文辭常於北門候進止時人謂之北門學士中宗之世上官昭容專其事上即位始置翰林院密通禁庭延文章之士下至僧道書畫琴棋數術之工皆處之謂之待詔

處昌呂翻

刑部尚書張均及弟

太常卿均皆翰林院供奉

唐天子在大明宮翰林院在右銀臺門內在興慶宮院在

金明門內若在西內院在顯福門內若在東都及華清宮皆有待詔之所具待詔者有詞學經術合練僧道卜祝術藝書奕各別院以廩之日晚而退其所重者詞學帝即位以來張說陸堅張九齡徐安貞張均等召入禁中謂之翰林待詔王者尊極一日萬機四方進奏中外表疏批答或詔從中出宸翰所揮亦資其檢討謂之視

草故常簡當局四人以備顧問至德以後天下用兵多務深謀密詔皆從中出名曰翰林學士得充選者文士為榮亦如中書舍人例置學士六人內擇年深德重者一人為承旨所以獨當密命故也德宗好文尤難其選貞元以後為學士承旨者多至宰相尚辰羊翻均巨冀翻

上欲加安祿山同平章事

已令張垪草制楊國忠諫曰祿山雖有軍功目不知書

豈可為宰相制書若下

令力丁翻相恣亮翻下避稼翻

恐四夷輕唐上

乃止乙巳加祿山左僕射

射實謝翻

賜一子三品一子四品

官 丙午上還宮

還自華清宮還從宣翻又音如字

安祿山求兼領

閑廐羣牧庚申以祿山為閑廐隴右羣牧等使

使疏吏翻下同

祿山又求兼總監

此郡牧總監也唐有四十八監以牧馬或曰此總監即苑總監

壬戌

兼知總監事祿山奏以御史中丞吉溫為武部侍郎

武部

即兵部

充開廐副使楊國忠由是惡溫

惡烏路翻

祿山密遣親

信選健馬堪戰者數千匹別飼之

飼祥吏翻

二月壬申上

朝獻太清宮上聖祖尊號曰大聖祖高上大道金闕玄

元大皇太帝

朝直遙翻上聖之上時掌翻下以義推

癸酉享太廟上高祖

謚曰神堯大聖光孝皇帝太宗謚曰文武大聖大廣孝

皇帝高宗謚曰天皇大聖大弘孝皇帝中宗謚曰天和

大聖大昭孝皇帝睿宗諡曰玄真大聖大興孝皇帝以

漢家諸帝皆諡孝故也甲戌韋臣上尊號曰開元天地

大寶聖文神武證道孝德皇帝

凡上尊號上諡之上皆時掌翻

赦天下

丁丑楊國忠進位司空甲申臨軒冊命 己丑安祿

山奏臣所部將士討奚契丹九姓同羅等勲効甚多

將即

亮翻契歟訖翻又音契

乞不拘常格超資加賞仍好寫告身付臣

軍授之於是除將軍者五百餘人中郎將者二千餘人

祿山欲反故先以此收衆心也三月丁酉朔祿山辭歸

范陽

舊志范陽在京師東北二十五百二十里

上解御衣以賜之祿山受之

驚喜恐楊國忠奏留之疾驅出關

出潼關

乘船沿河而下

令船夫執繩板立於岸側

凡挽船夫用板長二尺許斜搭胃前一端至肩一端至脇

繩貫板之兩端以接船綽而挽之

十五里一更

更工衡翻易也

晝夜兼行日數

百里過郡縣不下船自是有言祿山反者上皆縛送由

是人皆知其將反無敢言者祿山之發長安也上令高

力士餞之長樂坡

長樂坡即產坡在長安城東樂音洛

及還上問祿山慰

意乎對曰觀其意怏怏必知欲命為相而中止故也

怏於

兩翻相
息亮翻

上以告國忠曰此議它人不知必張均兄弟告

之也

國忠之下更有國忠二字文意乃明

上怒貶張均為建安太守均為

盧溪司馬均弟給事中叔為宜春司馬

建安郡隋為泉州唐改曰閩州

別置泉州帝改閩州為福州長樂郡以建州為建安郡

里盧溪郡辰州舊志建安郡京師東南四千九百三十五

唐歷云均嘗贊相禮儀雍容有度上心悅之翌日謂均

曰朕罷希烈相以卿代之均曰不敢貴妃在坐告國忠

斥之舊均傳天寶中玄宗嘗幸均內宅謂均曰希烈累

辭機務朕擇其代者孰可均錯愕未對帝即曰無踰吾

愛瑁矣均降階陳謝楊國忠聞而惡之及希烈罷相舉

章見素代均均深觖望按本紀三月丁酉均貶官章見

素八月乃知政事而云均深觖望舊傳誤也明皇雜錄

云上幸張垧宅謂垧曰中外大臣才堪宰相者與我悉
數吾當舉而用之垧遠巡不對上曰固無如愛子垧垧
降階拜舞上曰即舉成命既逾月垧頗懷怏怏意其為
李林甫所排會祿山自范陽入覲祿山潛賂貴妃求帶
平章事上不許垧因私第備言上前時行幸內第面許
相垧與明公同制入輔今既中變當必為奸臣所排祿
山大懷恚怒明日謁見因流涕請罪上慰勉久之因問
其故祿山俱以垧所陳對上命高力士送歸焉亦以怏
怏間由是上怒按李
林甫時已死亦誤也

哥舒翰亦為其部將論功

為于偽
翻將即

亮勅以隴右十將特進火拔州都督燕山郡王火拔歸

仁為驃騎大將軍

十將亦唐中世以來軍中將領之職
名火拔突厥別部也開元中置火拔

州唐制特進文散階正二品驃騎大將軍武
散階從二品燕因肩翻驃匹妙翻騎奇寄翻
河源軍使

王思禮加特進臨洮太守成如璆討擊副使范陽魯炆

臯蘭府都督渾惟明並加雲麾將軍

貞觀中鐵勒來降以渾部置臯蘭都

督府雲麾將軍武散階從三品上洮土刀翻守式又翻璆音求炆火迦翻

隴右討擊副使郭

英又為左羽林將軍英又知運之子也翰又奏嚴挺之

之子武為節度判官河東呂諲為支度判官

諲伊真翻

前封

丘尉高適為掌書記安邑曲環為別將

河東郡蒲州唐制邊軍有支度

使以計軍資糧仗之用其屬有判官巡官封丘縣漢晉以來屬陳留唐屬汴州安邑縣屬蒲州姓譜晉穆侯子成師封于曲沃其後氏焉漢有代郡太守曲謙續殖傳有曲叔謹伊真翻

程千里執阿布

思獻於闕下斬之甲子以千里為金吾大將軍以封常

清權北庭都護伊西節度使夏四月癸巳安祿山奏

擊奚破之虜其王李日越六月乙丑朔日有食之不

盡如鉤侍御史劍南留後李宓楊國忠領劍南節度使以宓為留後宓音

密又音伏將兵七萬擊南詔閭羅鳳誘之深入至太和城新書

作大和城夷語山陂陀為和故謂大閉壁不戰宓糧盡和閭羅鳳所居也將即亮翻誘音酉

士卒懼瘴疫及飢死什七八乃引還還從宣翻又如字蠻追擊

之宓被擒被皮義翻全軍皆沒楊國忠隱其敗更以捷聞益

發中國兵討之前後死者幾二十萬人

并鮮于仲通之敗死者有此數

幾居依翻

無敢言者上嘗謂高力士曰朕今老矣朝事付之

宰相邊事付之諸將夫復何憂

朝直遙翻相息亮翻將即亮翻夫音扶復扶又

翻

力士對曰臣聞雲南數喪師又邊將擁兵太盛陛下

將何以制之臣恐一旦禍發不可復救

數所角翻喪息浪翻復扶又翻

何得謂無憂也上曰卿勿言朕徐思之

高力士之言明皇豈無所動於

具心哉禍機將發直付之無可奈何僥幸其身之不及見而已

秋七月癸丑哥舒翰

奏於所開九曲之地置洮陽澆河二郡及神策軍以臨

洮太守成如璆兼洮陽太守充神策軍使

洮陽洮河二郡皆置於洮

廓二州西南廓州本洮河郡天寶元年更名寧塞郡洮州西八十里唐環州置神策軍新書曰洮河郡置於積

石之西洮

聖堯翻

楊國忠忌陳希烈希烈累表辭位上欲以

武部侍郎吉溫代之國忠以溫附安祿山奏言不可以

文部侍郎韋見素和雅易制

易音以豉翻

薦之八月丙戌以

希烈為太子太師罷政事

陳希烈遂以此怨望降賊

以見素為武部

尚書同平章事

考異曰舊見素傳曰時楊國忠用事左相陳希烈畏其權寵凡事唯諾無敢

發明玄宗知之不悅天寶十三年秋霖雨六十餘日天子以宰相或未稱職見此咎議命楊國忠精求端士時

兵部侍郎吉溫方承寵遇上意欲用之國忠以溫祿山
賓佐懼其威權奏寢其事國忠訪于中書舍人竇華宋
昱等華昱言見素方雅柔而易制上亦以經事相王府
有舊恩可之希烈傳曰國忠用事素忌疾之乃引韋見
素同列罷希烈知政事按明皇若惡希烈阿狗國忠
當更自擇剛直之士豈得尚卜相于國忠今從希烈傳

自去歲水旱相繼關中大飢楊國忠惡京兆尹李岷不

附已以災沴歸咎於岷九月貶長沙太守

惡烏路翻沴音戾長沙郡

潭州舊志長沙郡京師南二千四百四十五里

岷禕之子也

信安王禕開元初以軍功有寵於上

韋翻

上憂雨傷稼國忠取禾之善者獻之曰雨雖多不

害稼也上以為然扶風太守房琯言所部水災

扶風郡岐州

國忠使御史推之

宋白曰唐故事侍御史各二人知東西推又各分京城諸司及諸道州府

為東西之限隻日則臺院受事雙日則殿院受事又有監察御史出使推按謂之推事御史

是歲天

下無敢言灾者高力士侍側上曰淫雨不已

賈公彥曰雨三日已

上曰淫

卿可盡言對曰自陛下以權假宰相賞罰無章陰

陽失度臣何敢言上默然冬十月乙酉上幸華清宮

十一月己未置內侍監二貳正三品

唐制宮官不得過三品置內侍

四人從四品上中官之貴極於此矣至帝始隳其制楊思勳以軍功高力士以恩寵皆拜大將軍階至從一品猶曰勳官也今置內侍監正三品則職事官矣

河東太守兼本道采訪使韋

陟斌之兄也

使疏吏翻斌音彬

文雅有盛名楊國忠恐其入相

相息亮翻

使人告陟賊汚事下御史按問陟賂中丞吉溫使

求救於安祿山復為國忠所發

下邈稼翻復扶又翻

閏月壬寅賊

陟桂嶺尉溫澧陽長史

桂嶺漢臨賀縣地隋置桂嶺縣唐屬賀州澧陽郡澧州舊志澧

陽郡京師東南一千八百九十三里

安祿山為溫訟冤

為于偽翻

且言國忠讒

疾上兩無所問

戊午上還宮

是歲戶部奏天下郡

三百二十一縣千五百三十八鄉萬六千八百二十九

戶九百六萬九千一百五十四口五千二百八十八萬

四百八十八

有唐戶口之
盛極于此

十四載春正月蘇毗王子悉諾邏去吐蕃來降

新書曰
蘇毗吐

蕃疆部也
邏郎佐翻

二月辛亥安祿山使副將何千年入奏請

以蕃將三十二人代漢將上命立進畫

進畫者命中書
為發日勅進請

御畫而行之唐六典中書掌王言其制有七其四曰發
日勅正謂御畫發日勅也增減官貲廢置州縣除免官
爵授六品以下官
則用之將即亮翻給告身章見素謂楊國忠曰祿山久

有異志今又有此請其反明矣明日見素當極言上未

允公其繼之國忠許諾壬子國忠見素入見

入見賢
通翻上

迎謂曰卿等有疑祿山之意邪見素因極言祿山反已

有迹所請不可許上不悅國忠遂巡不敢言

遂七倫翻

上竟

從祿山之請它日國忠見素言於上曰臣有策可坐消

祿山之謀今若除祿山平章事召詣闕以賈循為范陽

節度使呂知誨為平盧節度使楊光翹為河東節度使

使疏吏翻
翹呼會翻

則勢自分矣上從之已草制上留不發更遣

中使輔瑒琳以珍果賜祿山潛察其變

輔姓也左傳晉
有大夫輔黶又

智果別族為輔氏即考異前所
引以甘子賜祿山事瑒音求

瑒琳受祿山厚賂還盛

言祿山竭忠奉國無有二心

還從宣翻又音如字

上謂國忠等曰

祿山朕推心待之必無異志東北二虜藉其鎮遏朕自

保之卿等勿憂也事遂寢

考異曰實錄正月辛巳祿山表請以蕃將三十人代漢

將上遣中使袁思藝宣付中書令即日進畫便寫告身楊國忠章見素相謂曰流言傳祿山有不臣之心今又請代漢將其反明矣乃請陳事既見上先曰卿等有疑祿山之意邪國忠等遽走下階垂涕具陳祿山反狀因以祿山表留上前而出俄頃上又令袁思藝宣曰此一奏姑容之朕徐為圖之國忠奉詔自後國忠每對未嘗不懇請其事國忠曰臣有一策可銷其難伏望下制以祿山帶左僕射平章事追赴朝廷以賈循等分帥三道
上許之草制訖留之未行上潛令輔璆琳送甘子私使其狀還固稱無事其制遂寢先是上引宰相對見常

置白麻於座前及璆琳還上乃謂宰臣曰祿山必無二心其制朕已焚矣後璆琳受祿山賄事泄上因祭龍堂遣備儲具責以不虔乃命左右撲殺之始有疑祿山意祿山事迹云請不以蕃將代漢將論祿山反狀及請追祿山赴闕並是韋見素之意旨國忠曾無預焉仍語見素曰祿山出自寒微位居衆上時所忌嫉成疑似耳見素曰公若實為此見社稷危矣將至上前懇論見素約以事如未諧公繼之國忠都無一言俯俛而退見素却到中書嗚咽流涕此非他也國忠要祿山速反以明己之先見耳宋巨玄宗幸蜀記云是年春二月二十二日辛亥祿山使何千年表請以蕃將三十二人代漢將掌兵其日宰相韋見素楊國忠在省見素慘然國忠問曰堂老何色之戚也見素曰祿山逆狀行路共知今以蕃酋代漢將是亂將作矣與公位當此地能無戚乎國忠於是亦惘然久之乃曰與奪之間在于宸斷豈我輩所能是非邪見素曰知禍之萌而不能防亦將焉用彼相

矣明日對見僕必懇論冀其萬一若不允子必繼之國
忠曰事則不諧恐虛犯龍顏自貽伊戚見素曰如正其
言而獲死猶愈於阿從而偷生翌日壬子二相入對見
素言祿山潛貯異圖迹已昭彰因叩頭流涕久之國忠
但俯俛逡巡更無所補上不悅遂以他事議之既退還
省見素謂國忠曰聖意未回計將安出國忠曰祿山未
必有反意但時所詐疾便成疑似耳見素曰公若為此
見社稷危矣遂憫然不言二十四日癸丑上又使恩藝
宣旨令且依此發遣卿等所議後別籌之自是見素數
奏其凶狀三月己未朔見素請以祿山同中書門下平
章事追赴闕庭及輔璆琳送甘子祿山給璆琳曰主上
耄年信任非次國忠之輩苟徇榮班今若進逆耳之言
苦口之藥以吾之心事將無益今欲耀兵強諫以迹驚
拳此意決矣祿山以物贈璆琳璆琳既受金帛及還奏
曰祿山盡忠奉國必無二心特望官家不以東北為慮
上然之謂宰臣曰祿山朕自得之卿勿憂也見素起曰

臣忤拂聖旨僭黷大臣罪合萬死然愚者千慮或有一
中願陛下審察之自餘與實錄及事迹所述略同按祿
山方賂璆琳泯其反迹安肯對之遽出悖語又國忠平
日數言祿山欲反此際安得不與見素同心蓋所謂天
下之惡皆歸焉者也今取其可信者循華原人也時為節度副使隴右

河西節度使哥舒翰入朝道得風疾遂留京師家居不
出三月辛巳命給事中裴士淹宣慰河北夏四月

安祿山奏破奚契丹

契欺訛翻

癸巳以蘇毗王子悉諾邏

為懷義王賜姓名李忠信

安祿山歸至范陽朝廷每

遣使者至皆稱疾不出迎

朝直遥翻使疏吏翻

盛陳武備然後見

之裴士淹至范陽二十餘日乃得見無復人臣禮

復扶又翻

又如楊國忠日夜求祿山反狀使京兆尹圍其第

異曰考

肅宗實錄國忠日夜伺求祿山反狀或矯詔以兵圍其宅或令府縣捕其門客李起安岱李方來等皆令侍御史鄭昂之陰推劾潛殺之慶宗尚郡主又供奉在京密報其父祿山轉懼唐厯是夏京兆尹李峴貶零陵太守先是楊國忠使門客塞昂何盈求祿山陰事命京兆尹圍捕其宅得安岱李方來等與祿山反狀使侍御史鄭昂之縊殺之祿山怒使嚴莊上表自理具陳國忠罪狀二十餘事上懼其生變遂歸過於峴以安之安祿山事迹與唐厯同外有命京兆尹李峴於其宅得李起安岱李方來等又貶吉溫為澧陽長史以激怒祿山幸其連反上竟不之悟玄宗幸蜀記與事迹同按李峴傳十三載連雨六十餘日國忠歸咎京兆尹貶長沙太守新

宗室宰相傳楊國忠使客蹇昂何盈摘安祿山陰事諷
京兆捕其第得安岱李方來等與祿山反狀繼殺之祿
山怒上書自言帝懼變出
峴為零陵太守今從實錄捕祿山客李超等送御史臺

獄潛殺之祿山子慶宗尚宗女榮義郡主供奉在京師

在京師為太僕卿
得隨供奉官班見密報祿山祿山愈懼六月上以其子

成昏手詔祿山觀禮祿山辭疾不至秋七月祿山表獻

馬三千匹每匹執控夫二人遣蕃將二十二人部送

以欲

襲京
師也河南尹達奚珣疑有變奏請諭祿山以進車馬宜

俟至冬官自給夫無煩本軍於是上稍寤始有疑祿山

之意會輔璆琳受賂事亦泄上托以他事撲殺之上遣

中使馮神威齎手詔諭祿山如珣策

撲弼角翻使疏吏翻考異曰祿山

事迹作承威今從玄宗幸蜀記

且曰朕新為卿作一湯

自天寶六載以來華清宮中益

治湯井池臺觀環列山谷御湯曰九龍殿亦曰蓮花湯明皇雜錄曰明皇幸華清宮新廣湯制作宏麗安祿山於范陽以白玉石為魚龍鳧雁仍以石梁及蓮花同獻雕鐫巧妙殆非人功上大悅命陳于湯中仍以石梁橫亘湯上而蓮花纔出於水際上至其所解衣欲入而魚龍鳧雁皆若奮鱗舉翼狀欲飛動上恐遽命撤去而蓮花至今猶存又嘗於宮中置長湯數十間屋皆周回甃以文石為銀鑲漆船及白木香船實於其中至于楫棹皆飾以珠玉又于湯中累瑟瑟及沉香為山以狀瀛洲方丈津陽門詩注曰宮中除供奉兩湯外內更有湯十

六所長湯每賜諸嬪御其修廣與諸湯不侔甃以文瑤
密石中央有玉蓮花捧湯實以成池又縫綴錦繡為鳧
雁置於水中上時於其間泛銀鏤小舟以嬉遊焉次西
曰太子湯又次西宜春湯又次西長湯十六所今唯太
子少陽二湯存焉又有玉女殿湯今石
星痕湯玉名甕湯所出也為于偽翻

十月於華清宮

待卿神威至范陽宣旨祿山踞牀微起亦不拜曰聖人

安隱

聖人謂上唐隱讀曰穩也帖多有寫穩字為隱字者

又曰馬不獻亦可十月

灼然詣京師即令左右引神威置館舍不復見數日遣

還亦無表神威還見上泣曰臣幾不得見大家

復扶又翻幾居

依翻

八月辛卯免今載百姓租庸冬十月庚寅上幸

華清宮

考異曰舊紀壬辰今從實錄新紀

安祿山專制三道陰蓄異

志殆將十年以上待之厚欲俟上晏駕然後作亂會楊

國忠與祿山不相悅屢言祿山且反上不聽國忠數以

事激之

數所角翻

欲其速反以取信於上祿山由是決意遽

反獨與孔目官太僕丞嚴莊掌書記屯田員外郎高尚

將軍阿史那承慶密謀自餘將佐皆莫之知但怪其自

八月以來屢饗士卒秣馬厲兵而已會有奏事官自京

師還祿山詐為勅書悉召諸將示之曰有密旨令祿山

將兵入朝討楊國忠

將即亮翻
朝直遙翻

諸君宜即從軍衆愕然

相顧莫敢異言十一月甲子祿山發所部兵及同羅奚

契丹室韋凡十五萬衆號二十萬反於范陽

考異曰
平致美薊

門紀亂曰是其年八月後慰諭兵士磨厲戈矛頗異於
常識者竊怪矣至是祿山勒兵夜發將出命屬官等謂
曰奏事官胡逸自京回奉密旨遣祿山將隨身兵馬入
朝來莫令那人知羣公勿怪便請隨軍那人意楊國忠
也
命范陽節度副使賈循守范陽平盧節度副使呂知

誨守平盧別將高秀巖守大同

中受降城西二百里有
大同川又代州北有大

同軍去太原八百餘里新志大同軍在朔州馬邑縣按
宋白續通典中受降城西之大同州乃隋大同城之舊

墟開元五年分善陽縣東三十里置大同軍以戍邊復於軍內置馬邑縣直代州北諸將皆引兵

夜發詰朝祿山出薊城南

詰去吉翻
薊音計

大閱誓衆以討楊

國忠為名榜軍中曰有異議扇動軍人者斬及三族於

是引兵而南祿山乘鐵輦步騎精銳煙塵千里鼓譟震

地

輦與輿同騎奇
寄翻譟蘇到翻

時海內久承平百姓累世不識兵革

猝聞范陽兵起遠近震駭河北皆祿山統內

祿山兼河
北道采訪

使

所過州縣望風瓦解守令或開門出迎

守式
又翻

或乘城

竄匿或為所擒戮無敢拒之者祿山先遣將軍何千年

高邈將奚騎二十聲言獻射生手乘驛詣太原乙丑北

京副留守楊光翹出迎因劫之以去

考異曰肅宗實錄云先令十年領

壯士數千人詐稱獻俘以車千乘包旌旗戈甲器械先俟于河陽橋不見後來所用又十年時方詣太原執楊

光翹未暇向河陽也今不取薊門紀亂云是月甲午縛光翹按是月有甲子安得甲午今不取太原具

言其狀東受降城亦奏祿山反上猶以為惡祿山者詐

為之

降戶江翻惡鳥路翻

未之信也庚午上聞祿山定反乃名宰

相謀之楊國忠楊揚有德色

蜀本作得色當從之

曰今反者獨祿

山耳將士皆不欲也不過旬日必傳首詣行在上以為

然大臣相顧失色上遣特進畢思琛詣東京

琛丑林翻

金吾

將軍程千里詣河東各簡募數萬人隨便團結以拒之

辛未安西節度使封常清入朝

朝直還翻

上問以討賊方略

常清大言曰今太平積久故人望風憚賊然事有逆順

勢有奇變臣請走馬詣東京開府庫募驍勇挑馬蕪度

河

驍堅亮翻挑徒刁翻蕪止藥翻

計日取逆胡之首獻闕下上悅壬申

以常清為范陽平盧節度使常清即日乘驛詣東京募

兵旬日得六萬人乃斷河陽橋為守禦之備

斷音短

甲戌

祿山至博陵南

博陵郡本定州高陽郡天寶元年更郡名舊志博陵郡京師東北二千九百六

里

何千年等執楊光翽見祿山責光翽以附楊國忠斬

之以狗

考異曰幸蜀記云十九甲戌至真定南逢楊光翽按唐歷祿山遣驍騎何千年等劫光翽歸

遇于博陵郡殺之蓋幸蜀記誤以定州為真定耳祿山事迹曰其年九月傳太原尹楊光翽首至按祿山十一月始反而事迹云九月取光翽誤也祿山使其將安忠志將精兵軍土門

將即亮翻下同

忠志奚人祿山養為假子又以張獻誠攝博陵

太守獻誠守珪之子也

張守珪卯翼祿山實為厲階

祿山至藁城常

山太守顏杲卿力不能拒與長史袁履謙往迎之祿山

輒賜杲卿金紫質其子弟使仍守常山

常山郡本恒州恒山郡天寶元

年更郡名劉昫曰常山郡舊治元氏魏道武登常山郡北望安樂壘美之遂移郡治於安樂城今州城是也魏

收志九門縣有安樂壘質音致

又使其將李欽湊將兵數千人守井陘

口以備西來諸軍

西來之軍謂河東路兵東出井陘口者陘音刑

杲卿歸途中

指其衣謂履謙曰何為著此

著陟略翻

履謙悟其意乃陰與

杲卿謀起兵討祿山杲卿思魯之玄孫也

顏思魯之推之

子師古之父也

丙子上還宮斬太僕卿安慶宗賜榮義郡主自

盡以朔方節度使安思順為戶部尚書思順弟元貞為

太僕卿以朔方右廂兵馬使九原太守郭子儀為朔方

節度使

九原郡豐州

右羽林大將軍王承業為太原尹

太原為北

都故置尹

置河南節度使領陳留等十三郡以衛尉卿猗氏

張介然為之

陳留郡汴州刺史舊紀以介然為陳留太守按是時

考異曰實錄以介然為汴

無刺史郭納見為太守介然直為節度使耳

以程千里為潞州長史諸郡當

賊衝者始置防禦使丁丑以榮王琬為元帥右金吾大

將軍高仙芝副之統諸軍東征

帥所類翻

出內府錢帛於京

師募兵十一萬號曰天武軍旬日而集皆市井子弟也

十二月丙戌高仙芝將飛騎曠騎及新募兵邊兵在

京師者合五萬人發長安上遣宦者監門將軍邊令誠

監其軍屯於陝

將即亮翻騎奇寄翻曠虛郭翻又古博翻監古銜翻陝失丹翻舊志陝郡在京

師東四百九十里至東都三百三十里

丁亥安祿山自靈昌度河

靈昌郡本

滑州東郡天寶元年更郡名

以絙約敗船及草木橫絕河流一夕冰

合如浮梁遂陷靈昌郡

舊志靈昌郡去京師一千四百四十里至東都五百三十里

祿山步騎散漫人莫知其數所過殘滅張介然至陳留

纔數日祿山至授兵登城衆怵懼不能守

怵許拱翻

庚寅太

守郭納以城降祿山入北郭間安慶宗死慟哭曰我何

罪而殺我子時陳留將士降者夾道近萬人

降戶江翻近其斬翻

祿山皆殺之以快其忿斬張介然於軍門

紀辛卯陷陳考異曰舊

留郡祿山事迹唐李陷陳留郡傳張介然荔非元瑜等首至今從實錄

以其將李庭望為

節度使守陳留

舊志陳留郡京師東一千三百五十里東都四百一里

壬辰上下

制欲親征其朔方河西隴右兵留守城堡之外皆赴行

營令節度使自將之期二十日畢集初平原太守顏

真卿

漢置平原郡唐為德州天寶元年復改為郡

知祿山且反因霖雨完城

浚壕料丁壯實倉廩祿山以其書生易之

料連條翻量度也又力昂

翻易以

及祿山反牒真卿以平原博平兵七千人防河

津

博平郡傳州

真卿遣平原司兵李平間道奏之

間古苑翻

上始

聞祿山反河北郡縣皆風靡嘆曰二十四郡曾無一人

義士邪及平至

舊志平原郡至京師一千九百八十二里

大喜曰朕不識顏

真卿作何狀乃能如是真卿遣親客密懷購賊牒詣諸

郡由是諸郡多應者真卿杲卿之從弟也

從才用翻

安祿山

引兵向滎陽太守崔無詖拒之士卒乘城者聞鼓角聲

自隊如雨癸巳祿山陷滎陽

滎陽郡鄭州西至洛陽二百六十里舊志滎陽郡至

京師一千一百五里東都二百七十里

考異曰唐歷舊紀作甲午今從實錄

殺無諛以其將

武令珣守之祿山聲勢益張

張知亮翻

以其將田承嗣安忠

志張孝忠為前鋒封常清所募兵皆白徒未更訓練

更工

衡翻

屯武牢以拒賊賊以鐵騎蹂之

蹂人九翻

官軍大敗常清

收餘衆戰于葵園又戰敗上東門內又敗

葵園在豐子谷南上東門

即洛陽上春門也唐六典東都城東面三門北曰上東

丁酉祿山陷東京賊鼓譟

自四門入縱兵殺掠常清戰于都亭驛又敗退守宣仁

門又敗乃自苑西壞牆西走

堞音怪 考異曰常清未云自今月七日交兵至十

三日不已按七日祿山猶未至榮陽蓋與賊前鋒戰耳

河南尹奚達珣降於祿山

降戶

留守李愬謂御史中丞盧奕曰吾曹荷國重任

守式

又翻橙直陵翻荷下可翻

雖知力不敵必死之奕許諾愬收殘兵數

百欲戰皆棄愬潰去愬獨坐府中奕先遣妻子懷印間

道走長安

走音奏

朝服坐臺中

朝直遙翻

左右皆散祿山屯於

閑廐使人執愬奕及采訪判官蔣清皆殺之奕罵祿山

數其罪

數所具翻

顧賊黨曰凡為人當知順逆我死不失節

夫復何恨

夫音扶復扶又翻

愷文水人

文水縣屬并州本漢大陵縣魏置受陽縣隋為

文水縣

奕懷慎之子清欽緒之子也

盧懷慎開元初賢相蔣欽緒見二百九卷

中宗景龍三年

祿山以其黨張萬頃為河南尹封常清帥餘衆

至陝

帥讀曰率

陝郡太守竇廷芝已奔河東吏民皆散常清

謂高仙芝曰常清連日血戰賊鋒不可當且潼關無兵

若賊承突入關則長安危矣陝不可守不如引兵先據

潼關以拒之仙芝乃帥見兵西趣潼關

見賢遍翻趣七喻翻考異曰

肅宗實錄云仙芝領大軍初至陝方欲進師會常清軍敗至欲廣其賊勢以雪已罪勸仙芝班師仙芝素信常

清言即日夜走保潼關
朝野大駭今從本傳

賊尋至官軍狼狽走無復部伍

士馬相騰踐死者甚衆至潼關修完守備賊至不得入

而去祿山使其將崔乾祐屯陝

復狀又翻踐悉銳翻潼
音同將即亮翻陝失丹

翻臨汝弘農濟陰濮陽雲中郡皆降於祿山

弘農郡本
虢州虢郡

天寶元年更名郡濮陽郡濮州雲中郡
雲州濟子禮翻濮博木翻降戶江翻

是時朝廷徵兵

諸道皆未至關中怵懼會祿山方謀稱帝留東京不進

故朝廷得為之備兵亦稍集祿山以張通儒之弟通晤

為睢陽太守與陳留長史楊朝宗將胡騎千餘東略地

朝直遼翻恤許拱翻音雖守式又翻將即亮翻騎奇寄翻

郡縣官多望風降走惟

東平太守嗣吳王祗濟南太守李隨起兵拒之

東平郡鄆州濟

南郡本齊州齊郡天寶元年更名臨淄郡五載更今郡名嗣祥吏翻

祗禕之弟也

禕吁韋翻郡

縣之不從賊者皆倚吳王為名單父尉賈貴帥吏民南

擊睢陽斬張通晤

單父古縣時屬睢陽郡單音善父音甫

李庭望引兵欲

東徇地間之不敢進而還

還從宣翻又音如字

庚子以永王璘

為山南節度使江陵長史源洧為之副

江陵郡本荊州南郡天寶元年

更郡名璘力珍翻洧于軌翻

穎王璩為劔南節度使蜀郡長史崔圓

為之副

蜀郡益州璲公了翻長知兩翻

二王皆不出閭洧光裕之子也

源光裕見二百一十卷開元十三年

上議親征辛丑制太子監國

監古銜翻

考異曰唐歷幸蜀記皆云十六日辛丑按長歷辛丑十七日也實錄又作己丑尤誤肅宗實錄云詔以上監國仍令總統六軍親征寇逆按制書云今親總六師率眾百萬鋪敦元惡巡撫洛陽則是上親征使太子留守也今從玄謂宰相曰朕在位垂五十載倦于憂勤去秋

宗實錄

已欲傳位太子值水旱相仍不欲以餘災遺子孫

遺唯季翻

淹留俟稍豐不意逆胡橫發

橫戶孟翻下同

朕當親征且使之

監國事平之日朕將高枕無為矣

枕之任翻

楊國忠大懼退

謂韓虢秦三夫人曰太子素惡吾家專橫久矣若一旦

得天下吾與姊妹併命在旦暮矣相與聚哭使三夫人

說貴妃

惡鳥路翻橫下
孟翻說式芮翻

銜土請命於上事遂寢 顏真

卿召募勇士旬日至萬餘人諭以舉兵討安祿山繼以

涕泣士皆感憤祿山使其黨段子光齎李愷盧奕蔣清

首徇河北諸郡至平原壬寅真卿執子光腰斬以徇取

三人首續以蒲身棺斂葬之祭哭受弔

棺音貫斂
力贍翻

祿山

以海運使劉道玄搆景城太守清池尉賈載鹽山尉河

內穆寧共斬道玄

自帝事邊功運青萊之粟浮海以給幽平之兵故置海運使景州本滄州

勃海郡天寶更郡名清池漢浮陽縣地開皇十八年更名鹽山漢高城縣地隋開皇十八年以縣有鹽山更名

清池帶郡鹽山屬邑也

得其甲仗五十餘船攜道玄首謁長史李

暉暉收嚴莊宗族悉誅之是日送道玄首至平原真卿

召載寧及清河尉張澹詣平原計事

澹徒覽翻曰舊穆寧傳祿山

偽署劉道玄為景城守寧倡義起兵斬道玄首傳檄郡邑多有應者賊將史思明來寇郡寧以攝東光令將兵禦之思明遣使說誘寧立斬之郡懼賊怒深後大兵至奪寧兵及攝縣初寧佐采訪使巡按當過平原與太守顏真卿密揣祿山必反至是真卿亦唱義舉郡兵以拒祿山會間使持書遺真卿曰夫子為衛君乎更無他詞

真卿得書大喜因奏署大理評事河北來訪支使按寧
以道玄首謁李暉暉即族嚴莊家豈有懼賊怨深而奪
寧兵乎真卿既殺段子光帥諸郡以討祿山寧書中安
得尚為隱語道玄首至平原真卿已召寧計事豈待得
此書然後用之況真卿領采訪使
乃在明年常山陷後今皆不取 饒陽太守盧全誠據

城不受代

考異曰包譜河洛春秋作
盧皓今從殷仲容顏氏行狀

河間司法李真

殺祿山所署長史王懷忠李隨遣遊奕將訾嗣賢濟河

將即亮翻訾即移
翻姓也漢有訾順

殺祿山所署博平太守馬冀各有衆

數千或萬人共推真卿為盟主軍事皆稟焉祿山使張

獻誠將上谷博陵常山趙郡文安五郡團結兵萬人圍

饒陽

饒陽郡深州河間郡瀛州上谷郡易州趙郡趙州文安郡莫州將即亮翻

高仙芝之

東征也監軍邊令誠數以事干之仙芝多不從令誠入

奏事具言仙芝常清撓敗之狀

數所角翻撓奴教翻

且云常清以

賊搖衆而仙芝棄陝地數百里又盜滅軍士糧賜上大

怒癸卯遣令誠齎勅即軍中斬仙芝及常清初常清既

敗三遣使奉表陳賊形勢

使疏吏翻

上皆不之見常清乃自

馳詣闕至渭南勅削其官爵令還仙芝軍白衣自效常

清草遺表曰臣死之後望陛下不輕此賊無忘臣言時

天下履地謂我盜滅糧賜則誣也時士卒在前皆大呼

稱枉其聲震地遂斬之

呼火故翻史言高仙芝由邊令誠而得節亦由邊令誠而喪元

以將軍李承光攝領其衆河西隴右節度使哥舒翰病

廢在家

考異曰舊金梁鳳傳云天寶十三載哥舒翰入京師裴冕為河西留後在武威是翰雖病在

京師猶領河西隴右兩鎮也

上藉其威名且素與祿山不協召見

見賢

遍翻拜兵馬副元帥將兵八萬以討祿山

帥所類翻

仍勅天下

四面進兵會攻洛陽翰以病固辭上不許以田良丘為

御史中丞充行軍司馬起居郎蕭昕為判官蕃將火拔

歸仁等各將部落以從

將即亮翻徙才用翻

并仙芝舊卒號二十

萬軍於潼關

考異曰肅宗實錄云以翰為皇太子先鋒兵馬使元帥領河隴朔方募兵十萬并

仙芝舊卒號二十萬拒戰于潼關十二月十七日大軍

發唐厯亦云先鋒兵馬使元帥舊傳云先鋒兵馬元帥

祿山事迹云翰為副元帥領河隴諸蕃部落奴刺頡跌

朱邪契苾渾蹄林奚結沙陀達子處密吐谷渾思結等

十三部落督蕃漢兵二十一萬八千人鎮于潼關舊紀

云丙午命翰守潼關按玄宗實錄癸卯斬常清仙芝命

翰為兵馬副元帥統兵八萬鎮潼關時榮王為元帥故

以翰副之蓋誅仙芝之日即命翰代仙芝舊紀丙午肅

宗實錄十七日軍發皆太早也玄宗實錄所云八萬者

蓋止謂漢兵隨翰東征者耳并諸蕃部落及仙芝舊兵

則及十餘萬因

號二十萬也

翰病不能治事

治直翻

悉以軍政委田良

丘良丘復不敢專決使王思禮主騎李承光主步二人

爭長無所統壹

復扶又翻
長知兩翻

翰用法嚴而不恤士卒皆懈

弛無闕志

史言哥舒
翰所以敗

安祿山大同軍使高秀巖寇振

武軍

杜佑曰振武軍在單于都護府
城內西去朔方千七百餘里

朔方節度使郭子

儀擊敗之

敗補
邁翻

子儀乘勝拔靜邊軍

據舊史靜邊軍當
在單于府東北王

忠嗣鎮河東所築也宋白曰雲
中郡西至靜邊軍一百八十里

大同兵馬使薛忠義寇

靜邊軍子儀使左兵馬使李光弼右兵馬使高濬左武

鋒使僕固懷恩右武鋒使渾釋之等逆擊大破之亢其

騎七千

騎奇寄翻下同 考異曰陳雄汾陽王家傳此戰在十二月十二日 鑣其與祿山臨東都相亂

故并置此

進圍雲中使別將公孫瓊巖將二千騎擊馬邑拔

之開東陁關

馬邑郡朔州雁門縣有東陁關西陁關時東河太原開關以拒秀巖子儀既破秀巖

始開關杜祐曰代州雁門郡郡南三十里有東陁關甚險固西陁山即句注山陁音刊下同

甲辰加

子儀御史大夫懷恩哥濫拔延之曾孫也世為金微都

督

哥濫拔延見一百九十八卷太宗貞觀二十年金微都督府亦置於是年舊史曰僕固即鐵勒僕骨部語

訛為僕固

釋之渾部首長世為臯蘭都督

酋慈由翻長知兩翻

顏杲

卿將起兵參軍馮虔前真定令賈深藁城尉崔安石郡

人翟萬德內丘丞張通幽皆預其謀

真定縣帶常山郡內丘漢中丘縣也

隋諱忠改曰內丘屬鉅鹿郡翟長伯翻

又遣人語太原尹王承業密與相

應

語牛倨翻

會顏真卿自平原遣杲卿甥盧述潛告杲卿欲

連兵斷祿山歸路以緩其西入之謀

斷丁管翻下乃斷同

時祿山

遣其金吾將軍高邈詣幽州徵兵未還杲卿以祿山命

召李欽湊使帥衆詣郡受犒賚

帥讀曰率犒苦到翻齊來代翻

丙午薄

暮欽湊至杲卿使索履謙馮虔等攜酒食妓樂往勞之

妓渠綺翻勞力到翻下慰勞同

并其黨皆大醉乃斷欽湊首收其甲兵

盡縛其黨明日斬之悉散井陘之衆有頃高邈自幽州

還且至藁城杲卿使馮虔往擒之

斷丁管翻是年十一月安祿山使李欽湊

屯井陘口今斬之而散其衆
陘音刑還從宣翻又音如字

南境又白何千年自東京

來崔安石與翟萬德馳詣醴泉驛迎千年又擒之

醴泉驛在

常山郡界
南直趙郡

同日致於郡下千年謂杲卿曰今太守欲輸

力王室既善其始當慎其終此郡應募烏合難以臨敵

宜深溝高壘勿與爭鋒俟朔方軍至併力齊進傳檄趙

魏斷燕薊要薊

斷音短燕因肩翻
薊音計要讀曰腰

今且宜聲云李光弼

引步騎一萬出井陘因使人說張獻誠云足下所將多

團練之人無堅甲利兵難以當山西勁兵

常山饒陽以并代為山西

合天下言之則河南河北通謂之山東函關以西為山西說式芮翻將即亮翻又音如字獻誠必解

圍遁去此亦一奇也果卿悅用其策獻誠果遁去其團

練兵皆潰果卿乃使人入饒陽城慰勞將士

勞力到翻將即亮翻

命崔安石等徇諸郡云大軍已下井陘朝夕當至先平

河北諸郡先下者賞後至者誅於是河北諸郡響應凡

十七郡皆歸朝廷兵合二十餘萬

考異曰河洛春秋曰祿山至蘆城果卿

上書陳國忠罪惡宜誅之狀且曰鉞下才不世出天實
縱之所向輒平無思不服昔漢高仗赤帝之運猶納食
其之言魏武應黃星之符亦用荀彧之策又曰今河北
殷實百姓富饒衣冠禮樂天下莫敵孔子曰十室之邑
必有忠信萬家之邦非無豪傑如或結聚豈非後患者
乎伏惟精彼前軍嚴其後殿所過持重且詳觀地圖凡
有隘狹必加防遏慎擇良吏委之腹心自洛以東且為
已有廣輓芻粟繕理甲兵傳檄西都望風自振若唐祚
未改王命尚行君相協謀士庶奉命則盛兵鞏洛東據
敖倉南臨白馬之津北守飛狐之塞自當抗衛上國割
據一方若景命已移謳歌所繫即當長驅岐雍臨馬渭
河黔首歸命孰有出鉞下之右者祿山大悅加果卿章
服仍舊常山太守并五軍團練使鎮井陘口留同羅及
曳落河一百人首領各一人其趙邢洛相衛等州並皆
替換及滄瀛深不從祿山張獻誠圍深州月餘不下前
趙州司戶也處遂前原比尉張通幽藁城縣尉崔安晟

恒州長史袁履謙等同上書說果卿曰明公身荷寵光
位居守牧乃棄萬全之良計履必死之畏途取適於目
前忘累于身後竊為明公不取今若拒祿山之命招十
萬之兵峙乃窮焚積其食粟分守要害大振威聲通井
陘之路與東都合勢如此則洪勲盛烈何可勝言者哉
輒進替言萬無一用竟銷東岱先懷屠烈之憂心拱北
辰願立忠貞之節果卿覽書大悅於是僉議偽以祿山
命追并陘鎮兵就恒州宴設酋長各賜帛三百段馬一
疋金銀器物各一牀美人各一其餘通賜物一萬段設
於州南焦同驛自曉至暮并以歌妓數百人悅其意密
於酒中致毒與飲令盡醉悉無所覺乃盡收其器械一
一縛之明日盡斬奔尸於潯沱河中殷亮顏果卿傳曰
祿山起果卿計無所出乃與長史袁履謙謁于蘆城縣
祿山以果卿嘗為已判官矯詔賜紫金魚袋使自守常
山郡以其孫誕弟子詢為質俾崇郡刺史蔣欽湊以趙
郡甲卒七千人守土門約果卿將見欽湊以私號召之

杲卿罷歸途中指其衣服而謂履謙曰此害身之物也
祿山雖以誅君側為名其實反矣我與公世為唐臣忝
居藩翰寧可從之作逆邪履謙慨然變色感歎良久曰
為之奈何唯公所命不敢違杲卿乃使人告太原尹王
承業以殺欽湊俟其緩急相應承業亦使報命杲卿恐
漏泄示已不事事多委政於履謙終日不相謁唯使男
泉明往來通其言召前真定令賈深處士權渙郭仲邕
就履謙以謀之適會杲卿從父弟真卿據平原殺段子
光使杲卿妹子廬逃井以購祿山所行勅牒潛告杲卿
大悅匿逃于家逃之未至杲卿先使人以私號召欽湊
至杲卿辭之曰日暮夜恐有他盜城門閉矣請俟詰朝
相見因遣參軍馮虔宗室李峻靈壽尉李栖默郡人翟
萬德等即于驛亭偶欽湊夜久醉熟以斧斫殺之悉散
土門兵先是祿山使其腹心偽金吾將軍高邈徵兵於
范陽路出常山杲卿候知之其日邈至於滿城驛杲卿
令崔安石馮虔殺之邈前驅數人先至邈殺之遂生擒

邈送于郡遇何千年狎至安石于路絕行人之南者馳
至醴泉驛候千年亦斬其人而擒之如邈日未午二凶
偕致肅宗實錄杲卿初間祿山起兵于范陽杲卿召長
史袁履謙前真定令賈深內丘丞張通幽謂之曰今祿
山一朝以幽并騎過常山趨洛陽有問鼎之志天子在
長安方欲徵天下兵東向問罪事不及矣如賊軍暴至
吾屬為虜必矣不若因其未萌招義徒西據土門北通
河朔待海內之救上以安國家下以全臣節此策之上
者遂即日購士得千餘人命履謙將兵鎮土門命賈深
防東路通幽守郡城賊將李歸仁令弟欽湊領步騎五
千人先鎮土門仍令以兵隸于杲卿又使麾下騎將高
邈馳報祿山令促其行覬者知其謀而白杲卿杲卿召
履謙告之履謙曰事將亟矣若不早誅欽湊謀不集也
遂詐追欽湊令赴郡計事命履謙署人吏以待之欽湊
夜至郡杲卿命憩于驛乃使參軍李循馮虔縣尉李栖
黯等享欽湊于驛醉而庖殺之履謙持欽湊首謁于杲

卿果卿與履謙且喜事之捷又懼賊之來相對泣果卿
收淚勵履謙曰大丈夫名不掛青史安用生為吾與公
累世事唐豈偷安于胡羯但使死而不朽亦何恨也有
頃藁城尉崔安石報高邈自祿山所至已宿上谷郡界
又使馮虔縣尉翟萬德并命安石共方略詰朝邈騎數
人先至驛虔盡阬之邈繼至虔紹之曰太守將音樂迎
俦邈無疑至廳下馬虔安石等指揮人吏以棒亂擊邈
仆生縛之無何南界又報何千年自東京宿趙郡安石
萬德先於郡南醴泉驛候之千年至知邈被擒令麾下
騎與安石戰敗又生擒千年並送于郡舊傳曰祿山陷
東都果卿忠誠感發懼賊寇潼關即危宗社時從弟真
卿為平原太守遣信告果卿相與起義兵犄角斷賊歸
路以紓西寇之勢果卿乃與長史袁履謙前真定令賈
深前內丘丞張通幽等謀閉土門以背之祿山遣蔣欽
湊高邈帥衆五千守土門果卿欲誅欽湊聞土門之路
時欽湊軍隸常山郡屬欽湊遣高邈往幽州未還果卿

遣吏召欽湊至郡計事是月二十二日夜欽湊至舍之
於傳舍會欽既醉令袁履謙與參軍馮虔縣尉李拙點
手力翟萬德等殺欽湊中夜履謙攜欽湊首見杲卿相
與垂泣喜事之濟也是夜藁城尉崔安石報高邈還至
滿城即令馮虔翟萬德與安石往圖之詰朝邈之騎從
數人至藁城驛安石皆殺之俄而邈至安石給之曰太
守備酒樂於傳舍邈方據廳下馬馮虔等擒而繫之是
日賊將何千年自東都來趙郡馮虔翟萬德伏兵於醴
泉驛千年至又擒之即日縛二賊將還郡按祿山初自
范陽擁數十萬衆南下常山當其所出之塗若杲卿不
從命遽以千餘人拒之則應時盡粉安得復守故郡乎
況時祿山猶以誅楊國忠為名未僭位號杲卿迎于藁
城受其金紫殆不能免矣肅宗實錄所云者蓋欲全忠
臣之節耳然杲卿忠直剛烈靡軀殉國舍生取義自古
罕儔豈肯更上書媚悅祿山比之漢高魏武為之畫割
據并吞之策此則粗有知識者必知其不然也蓋包諂

乃處遂之子欲言果卿初無討賊立節之意由已父上書勸成之以大其父功耳觀所載果卿上祿山書處遂等上果卿書田承嗣上史朝義疏其文體如一足知皆譌所撰也又張通幽兄為逆黨又教王承業奪果卿之功終以反覆被誅其行事如此而包譌云初與處遂同上書勸果卿為忠義尤難信也舊傳云欽湊高邈同守土門欽湊遣邈往幽州二將既握兵同鎮土門欽湊豈得擅遣邈往幽州今從殷亮果卿傳祿山自遣邈徵兵是也河洛春秋云留同羅曳落河百人彼鎮井陘過山西之軍重任也豈百人所能守乎殷傳云七千人守土門此七千人又非履謙一夕所能縛也蓋祿山留精兵百人以為欽湊腹心爪牙其餘皆團練民兵脅從者耳故履謙得醉之以酒誅欽湊及百人而散其餘耳河洛春秋云酒中置毒按時履謙等與欽湊同飲豈得偏置毒于客酒中乎今不取舊傳及殷傳皆云欽湊姓蔣今從玄宗肅宗實錄唐歷姓李玄宗實錄十二月己亥果

卿殺賊將李欽湊執何千年高邈送京師按已亥十五日也而真卿以士寅斬段子光壬寅十八日也真卿既殺子光乃報果卿同舉義兵今從舊傳為二十二日丙午殺欽湊肅宗實錄又云果卿之斬欽湊等因使徇諸郡曰今上使榮王為元帥哥舒翰為副徵天下兵四十萬東向討逆按實錄癸卯始命翰為副元帥計丙午常山亦未知今不取河洛春秋云十三郡悉舉義兵歸朝廷殷亮顏氏行狀舊顏真卿傳唐歷皆云十七郡歸順蓋河洛春秋不數平原景城河間饒陽先定者耳顏氏行狀白不歟者六郡而已時魏郡亦未下蓋舉其終數耳

其附祿山者唯范陽盧龍密雲漁陽汲鄴六郡而已

攷唐志無盧龍郡當是改平州北平郡為盧龍郡也密雲郡本檀州安樂郡天寶元年更郡名漁陽郡蓟州汲州郡衛
果卿又密使人入范陽招賈循邺城人馬燧說循

曰

邾城漢潁川邾縣之地後魏置龍山縣及南陽縣隋開皇初改龍山曰汝南十八年改汝南曰輔城南陽

曰期城大業初改輔城曰邾城廢期城入焉邾音央說式芮翻

祿山負恩悖逆

悖蒲內翻又蒲

沒翻雖得洛陽終歸夷滅公若誅諸將之不從命者以范

陽歸國傾其根柢此不世之功也循然之猶豫不時發

別將牛潤容知之以告祿山祿山使其黨韓朝陽召循

朝陽至范陽引循屏語

將即亮翻下同屏必耶翻

使壯士縊殺之滅

其族

縊於計翻

以別將牛廷珪知范陽軍事史思明李立節

將蕃漢步騎萬人擊博陵常山馮燧亡入西山

范陽郡之西山

南連上谷中
山之諸山

隱者徐遇匿之得免 初祿山欲自將攻

潼關至新安間河北有變而還

考異曰玄宗寶錄十五年正月壬戌祿山將

犯潼關次于新安間有備而還按祿山以此月丁酉陷
東都至壬戌凡二十六日非乘虛掩襲也豈得至新安

然後知其有備乎蓋常山有變則幽
薊路絕故懼而歸耳今從肅宗本紀 蔡希德將兵萬人

自河內北擊常山

河內郡懷州

戊申榮王琬薨贈謚靖恭

太子 是歲吐蕃贊普乞黎蘇籠獵贊卒子娑悉籠獵

贊立

吐從臘入聲卒子
恤翻娑素禾翻

肅宗文明武德大聖大宣孝皇帝上之上

諱亨玄宗第三子也初名嗣昇開元十五年更名浚二十三年更名興二十八年更名紹天寶

三載更

名亨

至德元載

是年七月太子即位於靈武始改元至德

春正月乙卯朔祿山自

稱大燕皇帝改元聖武以達奚珣為侍中張通儒為中

書令

考異曰辛蜀記云以珣為左相通儒為右相今從實錄

高尚嚴莊為中書侍

郎李隨至睢陽有衆數萬丙辰以隨為河南節度使

是載始置河南節度使治汴州領陳留睢陽靈昌淮陽汝陰譙濟陰濮陽淄川琅邪彭城臨淮東海十三郡睢

音雖使疏吏翻下同

以前高要尉許遠為睢陽太守兼防禦使

許遠

先仕於蜀忤章仇兼瓊貶高要尉史為許遠堅守睢陽張本 濮陽客尚衡起兵討祿

山以郡人王栖曜為衙前總管攻拔濟陰殺祿山將邢

超然

濮博木翻濟子禮翻將即亮翻

顏杲卿使其子杲明賈深翟萬

德獻李欽湊首及何千年高邈于京師

翟莫伯翻

張通幽泣

請曰通幽兄陷賊

謂通儒也

乞與泉明偕行以救宗族杲卿

哀而許之至太原通幽欲自託于王承業乃教之留泉

明等更其表

更工衡翻

多自為功毀短杲卿別遣使獻之杲

卿起兵纔八日守備未完史思明蔡希德引兵皆至城

下

考異曰河洛春秋云十二月乙未思明希德齊至城下果卿丙午始殺李欽湊云乙未誤也今從諸書

果卿告急於承業承業既竊其功利於城陷遂擁兵不

救果卿晝夜拒戰糧盡矢竭壬戌城陷

考異曰實錄癸亥城陷河洛

春秋正月一日城陷舊思明傳正月六日圍常山九日拔之今從玄宗實錄唐歷舊紀果卿傳賊縱兵

殺萬餘人執果卿及袁履謙等送洛陽

舊志常山郡京師東北一千七

百六十里至東都一千一百三十六里王承業使者至京師玄宗大喜拜

承業羽林大將軍麾下受官爵者以百數徵顏果卿為

衛尉卿朝命未至常山已陷

朝直

果卿至洛陽祿山數

之曰

數所具翻

汝自范陽戶曹我奏汝為判官不數年起至

太守

果卿為范陽戶曹祿山表為營田判官假常山太守

何負於汝而反邪果卿

瞋目罵曰汝本營州牧羊羯奴

瞋昌真翻羯居謁翻

天子擢汝為

三道節度使恩幸無比何負于汝而反我世為唐臣祿

位皆唐有雖為汝所奏豈從汝反邪我為國討賊

我為于偽

翻

恨不斬汝何謂反也臊羯狗何不速殺我祿山大怒

并袁履謙等縛於中橋之柱而吊之

臊蘇遭翻中橋天津中橋也吊古瓦

翻

果卿履謙比死

比必利翻

罵不虛口顏氏一門死於刀鋸

者三十餘人史思明李立節蔡希德既克常山引兵擊諸郡之不從者所過殘滅於是鄴廣平鉅鹿趙上谷博陵文安魏信都等郡復為賊守

鉅鹿郡邢州信都郡冀州文安郡冀州復扶又

翻饒陽太守盧全誠獨不從思明等圍之河間司法李

奐將七千人景城長史李暉遣其子祀將八千人救之

皆為思明所敗

敗補遺翻

上命郭子儀罷圍雲中還朔方

益發兵進取東京選良將一人分兵先出井陘定河北子儀薦李光弼癸亥以光弼為河東節度使分朔方兵

萬人與之

考異曰杜牧張保皋傳曰安祿山亂朔方節度使安思順以祿山從弟賜死詔郭汾陽

代之後旬日復詔李臨淮持節分朔方半兵東出趙魏當思順時汾陽臨淮俱為牙門都將二人不相能雖同盤飲食常睇相視不交一言及汾陽代思順臨淮欲亡去計未決詔至分汾陽兵東討臨淮入請曰一死固甘乞免妻子汾陽趨下持手上堂偶坐曰今國亂主遷非公不能東伐豈懷私怨時邪悉召軍吏出詔書讀之如詔約束及別執手泣涕相勉以忠義按於時玄宗未幸蜀唐之號令猶行于天下若制書除光弼為節度使子儀安敢擅殺之杜或得於傳聞之誤也今從汾陽家傳及舊傳

甲子加哥舒翰左僕

射同平章事餘如故置南陽節度使以南陽太守魯

炁為之將嶺南黔中襄陽子弟五萬人屯葉北以備安

祿山炁表薛愿為潁川太守兼防禦使

南陽郡鄧州襄陽郡襄州葉縣

時屬汝州潁川郡許州炁火迴翻將即亮翻黔音琴葉式涉翻

龐堅為副使愿故太子

瑛之妃兄堅玉之曾孫也

龐玉去隋歸唐為將龐皮江翻

乙丑安祿

山遣其子慶緒寇潼關哥舒翰擊却之 己巳加顏真

卿戶部侍郎兼本郡防禦使真卿以李暉為副 二月

丙戌加李光弼魏郡太守河北道採訪使 史思明等

圍饒陽二十九日不下李光弼將蕃漢步騎萬餘人太

原弩手三千人出井陘

騎奇寄翻陘音刑 考異白玄宗實錄己亥光弼以朔方馬步

五千東出土門收常山郡河洛春秋云光弼從大同城
下領蕃漢兵馬步一萬餘人并太原弩手三千人救真
定蓋實錄言朔方元領之
兵河洛言到真定之數耳
已亥至常山常山團練兵三

千人殺胡兵執安思義出降

降戶江翻

光弼謂思義曰汝自

知當死否思義不應光弼曰汝久更陳行

更工衡翻陳讀曰陣行胡

剛翻

視吾此衆可敵思明否今為我計當如何汝策可取

當不殺汝思義曰大夫士馬遠來疲弊猝遇大敵恐未

易當

易以政翻

不如移軍入城早為備禦先料勝負然後出

兵胡騎雖銳不能持重

騎奇寄翻下同

苟不獲利氣沮心離於

時乃可圖矣思明今在饒陽此去不二百里

九域志真定至饒陽

二百三十五里忠義蓋指思明下營處言之

昨暮羽書已去計其先鋒來晨

必至而大軍繼之不可不留意也光弼悅釋其縛即移

軍入城史思明聞常山不守立解饒陽之圍明日未旦

先鋒已至思明等繼之合二萬餘騎直抵城下光弼遣

步卒五千自東門出戰賊守門不退光弼命五百弩於

城上齊發射之

射而亦翻下兵射同

賊稍却乃出弩手千人分為

四隊使其矢發發相繼賊不能當斂軍道北光弼出兵

五千為槍城於道南夾呼沱水而陳賊數以騎兵搏戰

光弼之兵射之人馬中矢者大半

陳讀曰陣數所
角翻中竹仲翻

乃退

小憇以俟步兵有村民告賊步兵五千自饒陽來晝夜

行百七十里至九門南逢壁度憇息

九門縣屬常山郡
在郡東宋白曰戰

國策云本有九室而居趙武
靈王改為九門縣應去例翻

光弼遣步騎各二千匿旗

鼓並水潛行

並步
浪翻

至逢壁賊方飯縱兵掩擊殺之無遺

思明聞之失勢退入九門時常山九縣

真定藁城石邑
九門行唐井陘

平山獲鹿靈壽
凡九縣

七附官軍惟九門藁城為賊所據光弼遣

裨將張奉璋以兵五百戍石邑

石邑縣自漢以來屬常山郡在郡西南戍兵多

於餘縣者所以通太原之路也宋白曰隋改漢上曲陽縣為石邑尋移石邑於井陘縣於舊石邑縣置恒陽縣

以在恒山之陽為名則此石邑在井陘也餘皆三百人戍之上以吳王祗

為靈昌太守河南都知兵馬使

上謂玄宗使疏吏翻

賈賁前至雍

丘有衆二千先是譙郡太守楊萬石以郡降安祿山

先悉

薦翻降戶江翻

逼真源令河東張巡使為長史西迎賊巡至真

源帥吏民哭于玄元皇帝廟

雍丘縣漢晉屬陳留郡後魏屬湯夏郡隋屬梁郡唐

屬汴州譙郡亳州老子苦縣人有祠在馬唐祖之故改縣曰真源九域志縣在譙郡西七十里帥讀曰率起

兵討賊吏民樂從者數千人

樂音洛

巡選精兵千人西至

雍丘與賈賁合初雍丘令令狐潮以縣降賊賊以為將

使東擊淮陽救兵于襄邑破之

淮陽郡陳州宋白曰襄邑縣春秋宋襄牛地也

宋襄公葬焉故曰襄陵今墓在縣西北隅秦始皇以承匡縣卑濕遂徙于襄陵又以陵字犯諱改為襄邑俘

百餘人拘於雍丘將殺之往見李庭望淮陽兵遂殺守

者潮棄妻子走故賈賁得以其間入雍丘

間古覓翻考異曰肅宗

實錄曰雍丘令令狐潮據城以應祿山百姓有違令者百餘人將殺之覘者報官軍至潮不及行刑遂反縛仆於地令人守之遽出軍以禦官軍縛者忽一人幸脫殺守者互解其縛開城門以拒潮相持累日賁聞之入其

城鎮衆殺潮母妻及子以堅人志舊張巡傳潮欲以城降賊民吏百餘人不從命潮皆反接仆之於地將斬之會賊來攻城潮遽出關而反接者自解其縛閉城門拒潮召賁賁與巡引衆入雍丘新傳潮舉縣附賊遂自將東敗淮陽兵虜其衆反接在庭將殺之暫出行部淮陽兵更解縛起殺守者迎賁等入潮不得歸巡乃屠其妻子磔城上按潮既以城降賊賊來即當出迎豈有更出關者今從李翰張中丞傳及新傳

庚子潮引

賊精兵攻雍丘賁出戰敗死張巡力戰却賊因兼領賁

衆自稱吳王先鋒使三月乙卯潮復與賊將李懷仙楊

朝宗謝元同等四萬餘衆奄至城下衆懼莫有固志

扶復

又翻下日復瘡復同朝直遙翻

巡曰賊兵精銳有輕我心今出其不意

擊之彼必驚潰賊勢小折然後城可守也乃使千人乘

城自率千人分數隊開門突出巡身先士卒直衝賊陳

人馬辟易

先悉薦翻陳讀曰陣辟讀曰闢易讀如字

賊遂退明日復進攻城

設百礮環城

復扶又翻礮與砲同環音宦

樓堞皆盡

堞達協翻

巡于城上

立木柵以拒之賊蟻附而登巡東蒿灌脂焚而投之賊

不得上

上時掌翻

時伺賊隙出兵擊之或夜縋斫營

伺相吏翻縋馳

偽翻

積六十餘日大小三百餘戰帶甲而食累瘡復戰賊

遂敗走巡乘勝追之獲胡兵二千人而還軍聲大振

從還

音如字

初戶部尚書安思順知祿山反謀因入朝奏

之

高辰羊翻
朝直遙翻

及祿山反上以思順先奏不之罪也哥舒

翰素與之有隙

事見上卷
天寶十載

使人詐為祿山遺思順書於

關門擒之以獻且數思順七罪請誅之

遺于季翻數所
角翻又所主翻

丙辰思順及弟太僕卿元貞皆坐死家屬徙嶺外楊國

忠不能救由是始畏翰 郭子儀至朔方益選精兵戊

午進軍于代

此代謂
代州

戊辰吳王祗擊謝元同走之拜

陳留太守河南節度使

守式又翻
使疏吏翻

壬午以河東節度

使李光弼為范陽長史河北節度使

長知兩翻
曰寶錄云乙丑光

考異

弼收趙郡按壬午三月二十九日乙丑十
二日也河洛春秋收趙郡在四月今從之加顏真卿河

北采訪使真卿以張澹為支使先是清河客李萼

先悉
薦翻

考異曰顏氏行狀
作李華今從舊傳

年二十餘為郡人乞師於真卿

為

偽翻

曰公首唱大義河北諸郡恃公以為長城今清河公

之西鄰

清河郡貝州九域志德州
西南至貝州二百三十里

國家平日聚江淮河

南錢帛於彼以贍北軍

贍時
艷翻

謂之天下北庫今有布三

百餘萬匹帛八十餘萬匹錢三十餘萬緡糧三十餘萬

斛替討默啜甲兵皆貯清河庫

謂武后時也默啜
劣翻貯丁呂翻

今有

五十餘萬事

一物可以給一
事因謂之事

戶七萬口十餘萬竊計財

足以三平原之富兵足以倍平原之彊公誠資以士卒
撫而有之以二郡為腹心則餘郡如四支無不隨所使
矣真卿曰平原兵新集尚未訓練自保恐不足何暇及
鄰雖然借若諾子之請則將何為乎萼曰清河遣僕衛
命於公者非力不足而借公之師以嘗寇也亦欲觀大
賢之明義耳今仰瞻高意未有決辭定色僕何敢遽言

所為哉真卿奇之欲與之兵衆以為萼年少輕慮

少詩照翻

徒分兵力必無所成真卿不得已辭之萼就館復為書

說真卿

說扶又翻說式芮翻

以為清河去逆效順奉粟帛器械以

資軍公乃不納而疑之僕回轅之後清河不能孤立必

有所繫託將為公西面之彊敵公能無悔乎真卿大驚

遽詣其館以兵六千偕之送至境執手別真卿問曰兵

已行矣可以言子之所為乎萼曰聞朝廷遣程千里將

精兵十萬出崞口討賊

崞口在洛州邯鄲縣西蓋即壺關之險也又按舊唐書崞口在

湘州西山

嶂音郭

賊據險拒之不得前今當引兵先擊魏郡執

祿山所署太守袁知泰納舊太守司馬垂使為西南主

人分兵開嶂口出千里之師因討汲鄴以北至于幽陵

郡縣之未下者

幽陵即謂幽州

平原清河帥諸同盟

帥讀曰率

合兵

十萬南臨孟津分兵循河據守要害制其北走之路計

官軍東討者不下二十萬河南義兵西向者亦不減十

萬公但當表朝廷堅壁勿戰不過月餘賊必有內潰相

圖之變矣真卿曰善命錄事參軍李擇交及平原令范

冬馥將其兵

平原縣屬平原郡古平原郡治焉故城在今縣西南二十五里今縣治北齊所築城

時平原郡治安德縣

會清河兵四千及博平兵千人軍于堂邑西

南

宋白曰堂邑縣屬博平郡本漢清縣發于二縣地隋開皇十六年於此置堂邑縣因縣西北有堂邑故城

為名

袁知泰遣其將白嗣恭等將二萬餘人來逆戰三郡

兵力戰盡日魏兵大敗斬首萬餘級捕虜千餘人得馬

千匹軍資甚衆知泰奔汲郡遂克魏郡軍聲大振時北

海太守賀蘭進明亦起兵真卿以書召之并力

北海郡青州

進明將步騎五千度河

將卽亮翻騎奇寄翻下同

真卿陳兵逆之相

揖哭於馬上哀動行伍

行戶江翻

進明屯平原城南休養士

馬真卿每事咨之由是軍權稍移於進明矣真卿不以

為嫌真卿以堂邑之功讓進明進明奏其狀取捨任意

勅加進明河北招討使擇交冬馥微進資級清河博平

有功者皆不錄進明攻信都郡久之不克錄事參軍長

安第五琦勸進明厚以金帛募勇士遂克之

考異曰顏氏行狀

云進明失律於信都城下有詔抵罪公縱之使赴行在進明之全乃公之護也今從舊傳又唐厯三月四日乙

酉真卿充河北來訪使時進明起義兵北度河與真卿同經畧六月真卿破棗知泰於堂邑進明再拔信都統

紀皆在三月舊紀破知秦于信都皆在六月
按三月無乙酉乙酉四月二日也今從統紀

李光弼

與史思明相守四十餘日思明絕常山糧道城中乏草

馬食薦藉

藉應夜翻

光弼以車五百乘之石邑取草

之往也乘繩證

翻將車者皆衣甲弩手千人衛之為方陳而行

衣於既翻陳讀

陣曰賊不能奪蔡希德引兵攻石邑張奉璋拒却之光弼

遣使告急于郭子儀子儀引兵自井陘出

使疏吏翻陘音刑

夏

四月壬辰至常山與光弼合蕃漢步騎共十餘萬甲午

子儀光弼與史思明等戰于九門城南

宋白曰九門縣戰國趙邑戰國

策云本有九室而居趙武靈王改為九門縣

思明大敗中郎將渾瑊射李立

節殺之

將即亮翻渾胡昆翻又戶本翻瑊古咸翻射而亦翻

瑊釋之之子也思明

收餘衆奔趙郡蔡希德奔鉅鹿思明自趙郡如博陵時

博陵已降官軍

降戶江翻下同

思明盡殺郡官河朔之民苦賊

殘暴所至屯結多至二萬人少者萬人各為營以拒賊

及郭李軍至爭出自效

少詩治翻

庚子攻趙郡一日城降士

卒多虜掠光弼坐城門收所獲悉歸之民大悅子儀生

擒四千人皆捨之斬祿山太守郭獻璆

璆音求

光弼進圍

博陵十日不拔引兵還恒陽就食

恒陽即恒山郡以其地在恒山之陽也唐

置恒陽軍於郡北又博陵郡有恒陽縣漢之上曲陽縣也隋改為恒陽縣在博陵西十里恒戶登翻還從宣翻

又音如字

楊國忠問士之可為將者於左拾遺博平張鎬

及蕭昕

鎬下老翻昕許斤翻將即亮翻下同

鎬昕薦左贊善大夫永壽來

瑱

武德二年分新平置永壽縣屬邠州瑱他見翻

丙午以瑱為潁川太守賊屢

攻之瑱前後破賊甚衆加本郡防禦使

守式又翻使疏吏翻

人謂

之來嚼鐵安祿山使平盧節度使呂知誨誘安東副

大都護馬靈營殺之

馬靈營即夫蒙靈營也開元二年徙安東都護府于平州天寶二年

徙於遼西故郡
城謫羊久翻

平盧遊奕使武陟劉客奴

武陟漢陽縣地隋開皇十

六年分置武陟縣時屬河內郡

先鋒使董秦及安東將王玄志同謀討

誅知誨遣使踰海與顏真卿相聞請取范陽以自效真

卿遣判官賈載齎糧及戰士衣助之真卿時惟一子頗

纔十餘歲使詣客奴為質

質音致

朝廷聞之以客奴為平

盧節度使

翻直遙翻

賜名正臣玄志為安東副大都護董秦

為平盧兵馬使南陽節度使魯炅立柵於潢水之南

安祿山將武令珣畢思琛攻之

涉直里翻

資治通鑑卷二百十七